



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za finansije i budžet

Broj: 01/4-011-1615/03

Sarajevo, 11.11.2003. godine.

Z A P I S N I K

**11. sjednice Komisije za finansije i budžet Predstavničkog doma
Parlamentarne skupštine Bosne i Hercegovine,
održane 4.11. 2003. godine**

Sjednica je počela u 10,00 sati.

Sjednici su prisustvovali:

- Nikola Kragulj, predsjedavajući Komisije,
- Filip Andrić, prvi zamjenik predsjedavajućeg Komisije,
- Ljiljana Milićević, član Komisije,
- Hazim Felić, član Komisije,
- Beriz Belkić, član Komisije.
- Zlatko Lagumdžija, član Komisije
- Abdulah Nakaš, član Komisije.

Odsutni su bili: drugi zamjenik predjedavajućeg Fatima Leho i član Komsije Mirko Blagojević.

Sjednici su prisustvovali gosti iz OHR—a Mark Campbell, ekonomski savjetnik za poresku politiku, iz EU-CAFAO Allan Leon Jensen, šef ureda CAFAO s saradnicama Oliverom Lukić i Majom Ribar.

Iz Ministarstva finansija i trezora BiH prisustvovali su: Ljerka Marić, ministar finansija i trezora BiH i Jusuf Kumalić, zamjenik ministra.

Članovi Komisije g. Nakaš Abdulah i dr. Zlatko Lagumdžija su prije završetka rada sjednice naputili rad sjednice zbog drugih obaveza.

Za sjednicu je predložen i jednoglasno usvojen sljedeći

D n e v n i r e d

- 01. Usvajanje zapisnika s 10. sjednice Komisije,**
- 02. Rasprava o Prijedlogu zakona o sistemu indirektnog oporezivanja,**
- 03. Tekuća pitanja.**

Ad 01. **Usvajanje zapisnika 10. sjednice Komisije**

Predsjedavajući Komisije Nikola Kragulj predložio je raspravu o zapisniku 10. sjednice Komisije. U raspravi o zapisniku niko nije učestvovao.

Nakon toga, članovi Komisije jednoglasno su usvojili zapisnik 10. sjednice Komisije.

Ad 02. **Rasprava o Prijedlogu zakona o sistemu indirektnog oporezivanja**

Predsjedavajući Komisije je u uvodu za ovu tačku dnevnog reda ukazao na činjenicu da je Komisija dobila dopis od Kolegija Predstavničkog doma PS BiH, kojim se ona određuje nadležnom komisijom za razmatranje Prijedloga zakona o sistemu indirektnog oporezivanja (u daljnjem tekstu: Prijedlog zakona). Istim aktom konstatira se da je Predstavnički dom Parlamentarne skupštine BiH na 20. sjednici, održanoj 13. oktobra 2003. godine, usvojio zahtjev predlagača Prijedloga zakona, Vijeća ministara BiH za razmatranje Prijedloga zakona po hitnom postupku u skladu s članom 104. Poslovnika Doma, a prihvatanjem ovog zahtjeva rokovi navedeni u članovima 84.2, 90.2 i 93. skraćuju se na pola. Dostavljeno je i mišljenje Ustavno-pravne komisije, koja je aktom broj 01/1-011-1455/03, od 20.10.2003. godine, ocijenila da postoji valjan ustavno-pravni osnov za donošenje Zakona, da je ustavni osnov sadržan u članu III. tačka 1. c) Ustava Bosne i Hercegovine, kako je naveo predlagač, i da se ponuđeni tekst može uputiti nadležnoj komisiji Predstavničkog doma u daljnju proceduru usvajanja. Predsjedavajući Komisije je konstatirao da su do početka sjednice na Prijedlog zakona amandmane uložili: Klub poslanika Stranke za BiH, te poslanici: Nikola Špirić, Filip Andrić, Momčilo Novaković, Ljiljana Milićević i Nikola Kragulj. Predložio je da se vodi rasprava o principima i načelima.

Na sjednici Komisije raspravljano je o principima, načelima i normama (članovima) predloženog zakona.

U dugoj i sveobuhvatnoj raspravi učestvovali su svi prisutni članovi Komisije kao i gosti.. Nakon diskusije, na prijedlog predsjedavajućeg, konstatirano je i usvojeno mišljenje da Prijedlog zakona ima određenih nedostataka (netransparentnost, nepreciznost i nekonzistentnost s drugim zakonima) što može otežati njegovu primjenu i izgradnju sistema indirektnog oporezivanja, ali je rukovođena potrebom brzog ulaska u reformu sistema, podržala potrebu donošenja predloženog zakona, cijeneći da će uočene manjkavosti biti otklonjene kroz propise koji će uslijediti u ovoj oblasti.

Nakon rasprave o principima i načelima Prijedloga zakona uslijedila je diskusija o amandmanima. Uz pažljivo vođenje rasprave od strane predsjedavajućeg komisije, raspravljalo se o svim pristiglim amandmanima, metodom član po član, uz prezentaciju amandmana. Komisija se izjašnjavala o svakom ponuđenom amandmanu.

Nakon iscrpne i duge rasprave, Komisija je prihvatila pojedine amandmane poslanika i to kako slijedi:

AMANDMAN I.

U članu 8. stav 7. riječi « i direktoru se pruža dovoljno fleksibilnosti za ostvarivanje ciljeva postavljenih u godišnjem planu rada» brišu se.

AMANDMAN II.

U članu 13. iza izraza «27/00» briše se tačka i dodaju riječi: « i Zakona o izvršenju Budžeta institucija Bosne i Hercegovine i međunarodnih obaveza».

U istom članu, iza riječi «budžeta» dodaje se riječ «uprave», a iza riječi «Odbora», stavlja se tačka, a ostali dio rečenice se briše.

AMANDMAN III.

U članu 14. dodaje se stav 5. koji glasi: «Odbor za svoj rad odgovara Vijeću ministara Bosne i Hercegovine».

AMANDMAN IV.

U članu 16. stav 2. se mijenja i glasi:

«Članovi Odbora konsenzusom biraju predsjedavajućeg iz reda članova na mandat od pet godina.»

AMANDMAN V.

U članu 21. stav 5. broj «26» zamjenjuje se brojem «24».

AMANDMAN VI.

U članu 24. st. 1., 2., 3. i 4. riječ «priprema» zamjenjuje se riječima «je dužan završiti».

AMANDMAN VII.

U članu 25. stav 2. iza riječi «zakona» dodaje se tekst koji glasi: «osim ako Odbor drukčije ne odluči, sve».

AMANDMAN VIII.

U članu 27. st. 1. i 2. mijenjaju se i glase:

«U roku od šest mjeseci od stupanja na snagu ovog zakona i zakona iz člana 24. stav 1. tačaka (ii) i (iii) direktor uspostavlja jedinstveni račun i neophodne procedure plaćanja».

«Prije uspostavljanja jedinstvenog računa, naplata i raspodjela prihoda po osnovu indirektnih poreza vrši se prema postupcima koji su važili prije stupanja na snagu ovog zakona».

Stav 3. briše se.

U stavu 4. riječi: «kada jedinstveni račun postane operativan» zamjenjuju se riječima «kada se jedinstveni račun uspostavi». Na kraju ovog stava, briše se tačka i dodaju riječi: »roba i usluga».

AMANDMAN IX.

U članu 31. stav 1. riječ «pripremiti» zamjenjuje se riječju «završiti».

AMANDMAN X.

U članu 31. stav 5. mijenja se i glasi:

«Planom se predviđa racionalizacija ispostava u sedam područja u skladu s članom 6. ovog zakona sa sjedištima u Banjoj Luci, Trebinju, Brčkom, Tuzli, Sarajevu, Mostaru i Bihaću, koja se treba završiti u roku od dvije godine nakon usvajanja plana Odbora».

AMANDMAN XI.

U članu 32. stav 2. riječi: «organizira vršenje» zamjenjuju se riječima «dužan je okončati», riječi «priprema plan» zamjenjuju se riječima «donosi plan».

U stavu 3. istog člana riječi: «direktor priprema nacrt okvirnog sporazuma» zamjenjuju se riječima «direktor realizira okvirni sporazum».

AMANDMAN XII.

U članu 38. stav 2. briše se.

Nakon provedene rasprave i usvajanja navedenih amandmana, Komisija je jednoglasno usvojila tekst Prijedloga zakona s navedenim amandmanima i zaključila da je predloženi zakon neophodno donijeti odmah te ga upućuje Predstavničkom domu Parlamentarne skupštine Bosne i Hercegovine u daljnju proceduru usvajanja. U skladu s članom 89. Poslovnika Predstavničkog doma, Komisija je za izvjestioca odredila predsjedavajućeg Komisije Nikolu Kragulja.

Ad 06. Tekuća pitanja

O ovoj tački dnevnog reda nije bilo diskusije niti zaključaka.

Po okončanju ove tačke dnevnog reda, završena je i sjednica Komisije. Sjednica je završena u 17,10 sati.

Sekretar Komisije:

dr. Zijad Hasić

Predsjedavajući Komisije:

Nikola Kragulj s.r.

